

A haya experto di Hulanda pa duna sosten den preparacion pa renovacion y expansion di Cas di Cultura

ORANJESTAD (AAN): Monumentenbureau ta un departamento hopi chikito, pero tin amplio experticio den e ramo di traha cu edificionan monumental y prepara full nan restauracion. Tin un sala di pinta mapa awor tambe na monumentenbureau, unda cu ta spaar hopi doño di edificio placa, door cu ta pinta nan por nada actualmente, door cu nan salario ta wordo paga door di Gobierno caba. Nan ta sirbido di pueblo. Pero no por haci esey pa tur hende. Semper mester aprobacion di e minister di cultura, pasobra pa ley ta cay bao di minister di cultura pa por pinta. Den e caso di Cas di Cultura, a haya aprobacion di minister di cultura pa mag di cuminsa yuda Cas di Cultura pa prepara e proyecto aki. Loke ta tumando luga actualmente ta cu ta haciendo e diseño preliminar.



Awor aki ta brainstorm kico tur y con grandi e proyecto mester bira pa por determina cuanto placa lo mester pa por tin un Cas di Cultura cu ta optimal. Por compara e proyecto aki manera e proyecto di Corte, cu monumentenbureau a prepara, unda cu premira un diseño cu sigur pa 15 aña no por haya un extension atrobe pasobra

ta mucho chikito. E lo bira un proyecto hopi grandi. Tin tambe cu di banda di Cas di Cultura, e directiva a duna aprobacion pa Monumentenbureau bin yuda, pasobra nan kier pa Cas di Cultura bira un monumento proteha na su debido tempo. Podise Cas di Cultura hasta lo bay bira e prome monumento cu tabata propiedad di un particular. E

posibilidad eynan tey. Esey ta minister concerni lo didi esey na su debido momento.

Pa esaki, nan a busca hende di Hulanda cu ta expertonan riba e tereno di teatro. Esey ta e meneer cu a bin di Theater Advies BV. Di parti di monumentenbureau, ta mira e parti bouwkundig, no solamente di monumento so, pero tambe tur e extensionnan, edificionan nobo cu tin cu bin. Tin planea pa bay por ehempel e toren cu tin patras, tin cu bin un piso mas riba dje. E lo bay bira un proyecto cu e edificio mes mester bira mas grandi, mester bin funcionnan nobo pa nan genera placa, pa nan por mantene tambe despues y esey ta e rol cu monumentenbureau tin actualmente pa traha e diseño preliminar y specialmente pa garantisca cu esaki ta un monumento caba pero no ta proteha ainda, pero keda den su funcion cu e lo wordo proteha den futuro.

Esey ta haciendo cu hopi placer y ta un honor cu e directiva ta puntra pa diseña esaki y ta gradici manera semper, e hefe cu ta e minister di cultura, pa e apoyo cu el a duna na monumentenbureau di biaha pa por pinta pa e usuario aki, segun Webb-Kock.

Duracion

Corte mes a dura mas di 3 aña. Webb-Kock ta calcula cu e diseño, loke ta haciendo ac-

tualmente, ta calcula pa e di tres kwartaal di aña, e diseño mester ta cla. Lo bay traha un 3D tambe di dje, e ora Cas di Cultura tambe tin cu duna nan input. Nan tin cu skirbi e historia, kico nan kier, e palabranan manera ta bisa pa traha e buki, un projectdossier, pa e ora ey Cas di Cultura busca e financiamiento, pasobra e proyecto aki ta uno di miyones. Esey mester tin placa cu no por bay bati riba porta di Gobierno y puntra Gobierno pa placa. Ta hopi mas instancia tin cu yuda pa realisa pa e proyecto. Ta un proyecto hopi grandi, segun Webb-Kock. Actualmente pa e prome necesidad pa drecha e kolomnan si, por bisa cu tin un directora dinamico na Cas di Cultura, cu ya a haya financiamiento pa drecha e kolomnan, cu ta e prome fase cu structuralmente pa e edificio no forma un peliger, pasobra tin publico tambe ta drenta, pa garantisca esey. Esey si lo wak algun construccion, pero no ta e restauracion ainda. E restauracion, Webb-Kock ta calcula cu si nan logra haya financiamiento, esey lo por cuminsa mas lihe posibel. Ta wak cu ta banda di otro aña podise cu lo por cuminsa. E ora ta papiando di uitvoering di casi un pa dos aña. Ta un proceso basta largo pa realisa, pero ta papiando si di un proyecto di hopi miyones.